

T5351.9/2943 (6)

CHL T5266/2913

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 20 1932



Handwritten text in vertical columns, likely bleed-through from the reverse side of the page. The text is faint and difficult to read, but appears to be organized into several columns within a rectangular border.

玉瀾集

次韻梅花

新安朱棹逢年

哈佛大學漢和
圖書館珍藏印

陰陰雪意雲垂地
曳策微行徬清泚
眼明橫路出江梅
烟暝沙寒迷表裏
當年一夢山月明
依約瑤臺見仙子
俗緣掣肘意未了
弄出飛瓊亂紛委
摩娑銅狄豈須話
滄海揚塵固其理
花神縱步來閨苑
羞怕唐昌偷玉蕊
回風自作粧半面
泣露真成愁齟齬
相看一笑豈易得分與天

香更清美那知脫屣塵寰去頃刻蓬萊三萬里
黃昏誰伴醉鄉歸天色無情淡如洗

次韻寄求道人

天工憤憤春無力桃李顰心少顏色夢中矯首
望三山我是東南未歸客岩壑交游人姓支相
思江月半成規遙知草木代說法豈是画餅隨
兒嬉此身分不遇朝市何日相從拂衣袂豈容
陶令載白蓮會作鄭虔書落柿

二詩寄德粲并簡內觀諸友

春風本自掣肘去那更病留過一旬滿眼山川
雖不改連天桃李已成塵銀河誰與洗兵馬寶
唾安能泣鬼神悵望故人分雪此飛雲落日在
綸巾

九淵亭上二三子見說年來事事新隔水不容
招手喚曲窓已有画眉人醪醑香好急携酒鷓
鴒聲繁催送春笑我江南未歸客飄然天地一
閑身

寄人

一牛鳴地兩禪林霧雨初晴翠靄深熟路緣溪
穿窈窕踈鐘喚客出巖嶽未求黃卷成功處且
辦青山避世心悵望不來還獨返秋風聊作暮
雲吟

十月上休日示求道人

老禪獨卧千岩表枯木寒雲伴此身只倚藜根
作詩本肯分秋色與騷人心源落落故難合筆
勢翩翩想絕倫記取濠梁斷金語三山好處要
傳真

同蹈元看竹了軒因用去年方字韻作
此

淇澳渭川那復夢而今天遣出南方要觀大節
須霜雪莫說此君無肺腸照水形容殊不惡臨
風言語一何長山僧豈識留連意千里故人逢
異鄉

和德粹三絕

平生樂事在三餘不啻梧陰過玉除絕尾忽參
婆緯句風塵今日正愁予

心賞南樓一味涼
波光山影上藜牀
莫言體國非吾事
好夢不能千里長
未坐他年百尺樓
浮雲身上且悠悠
眼高四海騎鯨客
不見長安亦解愁

三山次潘靜之升書記韻

客路那知歲月長
掀眉一笑苾芻房
且傾徐邈聖賢酒
不問陳登上下牀
雲影翻空迷海嶠
秋聲隨夢到家鄉
明朝各聽船窓雨
猶憶枯碁戰
四郎

邈書寄出與李知哲唱和詩次韻

邂逅招提頓客輶
十年塵土且休休
三人月下從渠便
二老風流到我不
南北只今無好語
山川如許更悲秋
故應賸作鐔金句
莫羨群兒萬戶侯

老兵種菊以詩謝之

蔬畦雨徑策勲時
徙種隣墻菊兩枝
九日無人過朱放
十分舉酒酌王尼
花裁粟玉秋風健
香近龍涎曉夢知
負口不應還負眼
長鑿煩爾鎮

相隨

鄭德予同遊桃花山次韻

江村卜築路斜斜
摹寫癯仙四壁家
聞道讀書忘肉味
不緣避世宿桃花
青山自作千年調
白眼空驚一望賒
欲買鷄豚接近社
煙蓑雨笠寄生涯

春紅萬樹抱山斜
落落真源自一家
雲起坐中疑有雨
酒行杯面恐飛花
塵緣未斷心雖勝
他日重來約尚賒
畧倩淵明記遺事
武陵今不在

天涯

九日與客語慨然有廬山之興

九日黃花笑白頭
分將牢落付林丘
半川暝色聊償夢
別嶺秋聲旋寄愁
江國經年成浪語
匡廬入手是真休
未能免俗須登陟
睨視元龍百尺樓

草堂諸陳同遊崧山精舍晁仲携琴先

歸用壁間韻

來伴秋風十日閑
筆端久已識波瀾
煩君一醉

雙峰月乞與兒曹白眼看
破塵妙語慰畸人鶴髮深衣雨墊巾獨自抱琴
山下去石橋月色為誰新

三山次鄭德予韻

日脚微明雨脚踈誰將雲夢賦相如西南山好
君知否一見全勝讀異書

何日歸舟片葉輕白鷗相伴鱸微鳴只應潮打
蓬窓處已作離騷一半清

次韻梅花兩絕句

一月尤溪烟雨濃玉梅渾作玉人逢江南他日
摘香處莫忘雲間雙髻峰
清淺彎環遶故墻一身將影理殘妝西施俗處
無人見冷落吳宮溪水香

徐彥猷以仇池詩句為韻作詩十四章
見示答之

徐侯筆下波濤寬新詩示我清且閑誰能辛苦
學飯顆格轍已到元和間春寒十日不出戶坐
向江柳分烟鬟東坡老仙有奇句析韻作句先

五淵集 六
爛斑疾雷一洗牛蟻鬧羯鼓畧驚桃李頑周郎
知音亦已久仲車著語誰當刪大韶六鈞古稱
重汝自力弱無由彎胡為坎坎事唾點今古可
笑兒童孱鄉閨春物入意匠水光花氣相回環
莫嫌衆口亂如沸當見三耳生其顏嗟吾和詩
雖已晚識君妙意存高山告君詩妙須飲酒社
甕一醉寧當慳音猷戒酒常云人
言吾詩好即飲酒

寓居南軒

雲氣披猖月意孤冬青倒影上庭隅燈橫老薺

蛾方去書掩新芸蠹已無一世盡知閑魯酒十
年不擬歎齊竽支頤坐覺疎星沒獨扣龍頭瀉
酪奴

答戲昭文梅花

臘到方留此日寒雨多未覺過雲殘共驚臺柳
忽忽去獨抱園花細細看洗面不勞千點雪薰
衣剩破一分檀詩人窮苦誰料理只倚東風酒
量寬

乙丑臘月十七日立春

自歎今年臘天饒半月春酒船欺白首挑靨笑
青唇避地踈同隊一作逢人試問津傷心穿豺
虎未肯盡奔秦

延平道中

一溪春漲午晴初日透波光綠浸裾却憶孤山
山下路石橋清澈看叉魚
雲間三十六峰高北望思歸夢亦勞來客雙峰
莫相笑少低吾眼為兒曹

舟次黿湖阻水因由董山

山雨踈踈心又驚起瞻天色斗微明他年一枕
江闌夢知憶蓬窓此夜聲
一川黃濁寫崑崙苦恨南溪不盡吞三老亦知
行意速時時插竹記沙痕
拂拂朝霞到客舟苦疑雨意在鳴鳩好峰天半
元相識且作僧牀挾策遊
夢好山晴曉不知船邊今日見鬚眉向來快寫
崑崙地元有薰風綠盡時

向年舟自三山上延平和人韻兩絕

春江一月困揚舲醉夢無人與喚醒欲識故交
金石處相逢詩裏眼猶青

春風一夢收桃李雙燕不知愁絕時卧向蓬窓
飽聽雨無人識此是新詩

元英折惠柚花

白玉繁花五葉芳春風吹盡洞庭霜河西道眼
分明處識破此中知見香

乙丑除夜寓永興寄五二姪一首

殘臘避新正疾馳不可鞚梅花相行色更以風

雨送傷哉綠林豪支派出章貢荐食今幾年金
帛既充棟王旅走山澤魄散失飢凍空聞米粟
廉不救干戈痛冥冥紙錢底千室羅盞甕祀先
不暇嘗一夜驚入夢書生口擊賊自愧脫嘲弄
經營華陽馬想像丹穴鳳融融聲教中焉得餘
此衆由基執孤矢鼯鼠何足中浮煙起南舍春
事行倥偬桃寒強破葢烏靜獨成吟詩情寫物
色心匠與折衷章草簡阿戎溪頭試微諷
僕自以四月十四日自延平歸所寓之

南軒積雨陰濕體中不佳二十五日夜
夢至一處流水被道色清絕若有欄檻
而無屋宇有筆硯皆浸水中予驚問何
地旁有應者曰此玉瀾堂也夢中欲取
水中筆硯作詩詩未成而覺意緒蕭爽
殆不類人世鷄已一再鳴矣因賦此

蘧蘧飛夢過雲鄉物色清輝眼界長
閭闔未招金馬士蓬萊先立玉瀾堂
千尋濯足衣裘冷六字哦詩筆硯香
當與瑤池作同社紅巾青鳥兩

相忘

贈周功崇

閩嶺浮沈二十年歸心日夜夢江天
謾題甲乙煩君看若說功名只自憐
造物小兒知薄相箇中老子已忘筌
一筇聞作東南去豈欲求人左海邊

悼鄭彥繼書墓亭

蒼梧翠栢泣西風尺冢巍然宿草中
寶劔何心求季子隻雞今日過橋公
麟經有味人誰識鶴

陣論功氣自雄欲拂蒼厓寫竒節陳琳撒手語
言工

竹醉日懷故山

一室真容膝一作不何人客子猷土浮迎竹醉

雲淨對山羞無地青歸幌他年翠繞樓且從隣

寺去煙雨一作外看沙鷗

繁暑

繁暑不可度病餘少見招投鄰借軒卧信手得
書饒壽我藥雙笈驚人詩一瓢醒心憑雪露只

恐日薰銷

大食瓶

窳質謝天巧風輪出鬼謀入窰奔闕伯隨舶震
陽侯獨鳥藏身穩雙虹繞腹流可充王會賦漆
簡寫成周

春寒

人道春寒早繫舟楚丘一夜雨瀏瀏此生削跡
江邊路嫩綠紛紛只自愁

夏夜極涼

素簡久辭夜清風先戒秋稻深群蛤吠草暗一
螢流舌在殊無計心空尚有求按圖尋分野楚
尾見吾州

六月二十日 二十一日立秋

天涯明月見秋風錯莫誰驚碧樹空豈意楚山
招隱處盡歸蜀客廣騷中釣魚聊爾針方直乞
米茫然帖自工獨卧南軒聽南澗蠻花猶作杜
鵲紅

尤溪縣之南李花千樹無一雜木春時

嘗飲其中酒家小軒可愛惜未曾作詩

追賦二首明年修故事當書之壁間

橋外茅茨好相遇問酒錢李花今若此白髮自
茫然落日雲千步春風雪一川明朝記來處石
澗響濺濺

見說小軒久無人喚我來直如春力快故遣客
懷開玉立花千樹霞翻酒一盃江陵二月尾襟
韻信難陪

春間小詩書趙園壁追錄之

柳態隨時秀花容近酒輕綠窓京洛語盡抹早
鶯聲

小語不知夕幽香無盡時影寒人欲醉明月照
醑醑

自得春風信開懷待此花餘寒固艱棘今夕雪
斜斜

夜月闌杯淺春風楚製輕故鄉空費夢來此聽
谿聲

夜坐池上用簡齋韻

落日解衣無一事移牀臨水已三回斗沉北嶺
魚方樂月過秋河鴈不來踈翠庭前供答話淺
紅木末勸持杯明朝獨對蒼華影莫上睢陽萬
死臺

平津

西風扶病上江樓老眼淒迷一色秋帆影憂雲
追斷鴈角聲吹月舞潛蚪栽培白業初無路點
檢青山始欲愁左海此中總咫尺何年煙雨解
扁舟

王澗集
九日與數客登善福院之絕頂晚飲茗
飲閣予以病先歸賦十二韻

風日迫佳節一川秋意昏臨高分石磴却立數
烟村楚製隨雲物蠻花照酒痕龍山嗟未久藍
水想空存鴻鴈頻收唳茱萸幾斷魂拍肩尋熟
路登閣換餘樽鍾梵規繩濶親朋笑語溫加籩
携海嶠聞笛憶鄉園夢記南柯守兵看左角奔
詩凡羞晉宋髮短任乾坤汝輩禪心起今生道
眼渾不知東嶂外灑灑湧金盆

秋日

鳴鵑初歇樹猶陰黃菊紅榴色轉深管領秋風
有今日留仙群稱辟寒金

簸弄天風髮彩涼西河一笑問吳剛借君玉斧
煩輕手畱取箇中秋影香

山靜溪回樹綠晴鷺群點點雪分明影沉寒水
初無意只是魚兒獨自驚

蔡道人之三山

君家雙峰下祝髮事香火豈無遠遊志因此萬

山裏坐閱腰包中未接話已墮翩然問知津九
仙入風柁冥冥荔枝浦華屋紛碣礮邂逅儻逢
渠周旋寧作我閉門造車語雖陋佛所可他年
笑相視此計無乃左

次嶺上壁間韻

雲卧雙峰祇對亭黃塵縈拂玉梅驚春風一棹
歸來早誰作窓間擁鼻聲

春風

一舉造物手萬生和氣中酒邊排雪意詩裏要

春風了了誰孤起滔滔我即空試詢三世事猶
有讀書功

折山道中六言寄湧翠道人

折山有路可上他日雲藏萬家用處何曾觸石
一禪指頂天涯

雲暖網橫危磴日沉舟泊平沙款乃一聲歸去
炊煙遙起蘆花

牛卧黃茅岡底鷺歸紅葉村邊可是太平無象
溪橋醉舞華顛

玉梅無意相惱嗾人煙雨踈踈擬寫箇中妙處
語煩不到西湖

草枯虫躍驚響溪靜魚行閃光只麼時時管帶
可須細細商量

既有女名靈照何妨自作維摩要見諸天辨供
問他風月山河

寄龔十三

支願獨揖北窓風怪事從今吐吐空簡策不知
春色晚山川渾落戰塵中花飄茵席三生淨草

入池塘一句工想見楚龔懷我處扁舟遨蕩夕
陽紅

穀雨

大點紛林際虛簷寫夢中明朝知穀雨無策禁
華風石渚收機巧烟菴建事功越禽牢閉口吾
道寄天公

礪叟書云牡丹醱醪已盡胡不歸

客次驚衰白歸期先牡丹空枝兼病力啼鳥問
愁端平日長相憶東風忍不看冰容亦零落唯

是有春寒

姚大本以李義山詩韻作詩題息軒繼作

隱几心疑水携盃影照山六窓開畔岸一榻埽
中間栢子方饒舌花枝忽解顏定餘牛自牧夢
起蝶相閔閭闔初無路蓬萊別有班藏舟知夜
失面壁竟西還老矣從他笑公乎伴我閑體坤
詩更好分寸許躋攀

書報國壁向年寓學于此嘗見虹下飲

溪中復聞子規

昔與春風來此時携書齷齪伴兒嬉山晴欄楯
投雌霓身病林巒號子規斷髮蕭蕭吹易盡長
江滾滾去何之欲追舊事無言說更作三生石
上期

蓋竹與陳和仲昆季

玉樹成群不可攀謾將牢落待蒼山五年分手
河梁外一夕連牀風雨間梅蕊凌寒春欲動酒
杯無力病相閑朱陳自古同鄉社更約青雲作

往還

寄夢肇

滄海橫流無處安只今且作夢中看豈須遊戲
兩蝸角收此微茫一彈丸老境懷人山宛轉春
風着物鬢摧殘窮愁似與詩增氣嚼雪敲冰字
字寒

辛酉五月望簡陳和仲

秀出雪峰一千衆挽回廬阜三十年赤烏白馬
吐傑句黃花翠竹通幽禪竺師不假報文度鑿

齒本自知彌天可憐烏石嶺下路榕葉炯炯凝
雲烟

用東坡武昌寒溪韻三篇 同楊良翰

漫卽古邑埋蒿萊五柳合抱何人栽浯溪未作
天寶頌爽氣已壓南昌梅蘇公鄧公先後到一
時玉立高鬼鬼扁舟載酒渡江水千山軟翠昏
樓臺窪尊杯飲追太古雲荒石老無紛埃歸來
玉署念赤壁側身西望銀濤堆英辭傑句相震
發尚記野鳥窺空壘只今却數未百載虫篆想

見畱岩隈中原臙腥雜口夏淮北城壘生莓苔
 公乎天與濟世具曷不手引梟鸞開空遺筆力
 配元祐頓覺紙上千軍推禁中頗牧知在即號
 令前日頒風雷丹青元向大羽出貂蟬要自甦
 蚤來數公文字雖勝絕莫使變作離騷哀

東坡謫官未放回桃花不繫玄都栽機牙愛觸
 造物手五見江兩肥江梅扁舟一笑凌浩渺瘦
 筇結伴登崔嵬窪尊故事逢浪容烏篆真迹追
 浯臺次山有浯臺
銘見六一集漂流長有北關夢邂逅果踏

東華埃玉堂夜直對同舍金燭照座花成堆帝
 觴雨露澆舌本忽憶樊口傾山壘聯詩共刻醉
 眠處至今寶氣蟠岩隈関西夫子獨好事掖垣
 行即吟蒼苔斯文突遇元祐上已覺萬丈光芒
 開臨風弔客感赤壁公瑾孟德俱彫摧英雄割
 據亦兒戲安用七筋驚蚊雷東坡羽化不復返
 浪窅何日成歸來鸚鵡洲前舊時路寒波荒葦
 令人哀
 故園山水真奇哉三徑蘭菊當年栽自嗟流浪

玉淵集
不知返江城曉角愁吹梅詩書邀我忽半世車
轂前却連崔嵬試尋夷路到聖處馬力已竭煩
輿臺去天尺五吐傑句孔丘盜跖俱塵埃坐疑
蓬島尋犬爾扁舟徑入浮雲堆肩摩嵇向挽焦
賀欲倒瀛海為尊壘夢中失脚在何許千里閩
越天南隈隻身形影自相弔俯仰馬鬣迷青苔
蘭階彫謝知葉落荆樹慘淡無花開向來愚公
不自度一手欲以太華摧那知天目山頂露兒
啼下眎雲間雷華亭黃耳竟安在遼東白鶴還

飛來終尋三十六峰去要假聶許平餘哀

感事

大弓窈陽氏神鼎淪泗淵何須識微士周魯必
不全武庫一朝火斬蛇逐飛烟傷心睨前事氏
□定紛然

山川非晉土悲泣効楚囚一語強自慰淒迷望
神州刺史下荆水司農來石頭土園管夷吾過
計非私憂

元規負康濟徒手嬰群雄兵從歷陽來無地逃

五淵集
三
姦鋒誰乎死社稷千載一卞公英風與義氣建
立成江東

雪梅

去年雪欺客平地一尺深謝遣東閣花那願西
牀琴故人初不知屋側乃見尋悠然振永起誰
復明此心

寒梅卧烟雨山澤有奇氣六龍扶翼之月袂攬
雲鬢先生九疑仙心識真筌秘裁詩作花骨瘦
爭乃可貴

道中

疾憂勸征行金火方抵梧宵分餉群僕乘月問
前路小兒何自至檝我陳洲渡暗浪擊層崖平
沙起驚鷺莽蒼川花開萸蒙山氣聚物情豈不
嘉悶滯非所遇鈴語出林表風期呼我住尋幽
本素志觸熱詠佳句午枕得高深復覺清景駐
誰云適所願永乏濟世具以茲一夢頃可况百
年遇吐哉郭氏子破甑尚欲顧

自作挽歌辭

王澗集
三
幽憂坐南軒萬壑取我囚疾雷且不聞焉知草
虫愁強顏理編簡閱世如東流滔滔竟不返誰
復操戈矛天涯念孤姪携母依諸劉書來話悲
辛心往形輒畱先塋託仙峰山僧掃梧楸二女
隨母住外翁今白頭伯氏尚書郎名字騰九州
仲兄中武舉氣欲無羗首隸華一朝集荆樹三
枝稠堂堂相繼去遺我歸山丘漆園夢方覺白
衣雲正浮憑陵若蹈空何處停華輶故鄉豈不
懷戀一作屋食良亦一作易謀自我識廢興于天無

怨尤平生喜聞詩此詩當挽謳不須生芻奠君
從二兄游

蜀中草目錄

詩

獨漉篇

中崑

雅河晚渡

夾江旅店夜雨

武侯祠二首

闡宿

秋日東歸宋荔裳觀察贈別感謝二律

客嘉州買舟不得悶甚漫題時立冬前一日

立冬日有感

久客嘉州謝州守

瀘江道中遇熊郡伯賦贈時熊君懸弧之辰

咏我眉山

送大邑李赴泗州二首

嘉州登舟贈別彭生信之

挽蔣綏庵先生四首

序

蔣綏庵先生與善約言序

王鄭合詠序

同年王伯貞尊公文集序

同鄉許傳岩先生詩稿序代

盧弘中醫學入門疏註序

盧弘中家譜序

熊拙溪詩稿序

程子及詩稿序

蜀中草

詩

獨漉篇

海昌朱昇方庵

獨漉獨漉在水之曲水寒無魚水枯無玉 一解

治我斧斨鬱彼鄧林維樵負負荷束薪 二解

鷓鴣之羽可以冬溫萋萋荼苦可以充飡 三解

驅我堅車策我良馬太行嗟峨哀風蔽野 四解

擊角商歌莫謂無人齊門之石充耳不聞 五解

翩翩飛鴻游戲雲端函谷尹喜抱書車前 六解

中嵒

嘗讀鍾伯敬先生中嵒記神遊久矣
九月成都泛舟過巖下欣然一往歌
以記之并呈華陽蔣先生

玻璃江上我眉客撥撒盤渦漾空碧綠崖沙嘴
石貼平好山入眼縱雙屐攀蘿窈冥逕微茫圍
合群峰行轉窄巨靈手劈天為開千春尚說空
瑯臺白岩皚皚立雲際古佛列坐生莓苔喚魚

池邊潭水淥細澗流澌聲斷續日光潭影共徘徊
迴耳間清絕鳴哀玉玉泉之味甘如乳流出山
腰及山足中有古碣黃涪翁蒼然鐵筆難為工
石屋覆蓋深十丈紛紛作者空磨礱跣磴凌霄
不尺五尊者岩前問慈姥扣笋筍開得佛珠此
事神奇果何取我來老僧揖道邊垂髮破衲露
兩肩自言勝地經幾劫秋林槭槭成荒烟華陽
先生拄杖入山雲靉靄生青蓮何時携手復同
往聳身直上峰頭眠

雅河晚渡

潏潏何為者東流日夜忙行人聚暝色客子問
河梁於役連朝發因催帶雨裝俯觀大化理蠻
水亦從王

夾河旅店夜雨

一夜江城雨偏來枕上喧露茅簷作溜響竹戶
成痕夢斷回莊叟愁多失醉髡紛紛成底事寂
莫向乾坤

武侯祠二首

錦官城外路尚說武侯祠不覺興忘久如新廟
貌時椒馨空自薦遺恨幾人知肅肅秋原上靈
來應有期
一德君臣盛三分事業傳是天真不弔炎運僅
如芟青史統歸正丹心安豈偏定軍山下淚到
此復潛然

闡宿

院籩深沉夕孤燈照不眠蒼颯嗔客到饑蚋傍
衣穿典盛猥分職時清正渴賢莫云灰劫後楊

馬古今傳

秋日東歸宋荔裳觀察贈別感謝二律
已謝微官去秋風動客裾江湖容老疾次第檢
方書受德今人少浮名國士虛此鄉多丙穴不
是愛鱸魚

海內文章事我公推絕倫埋輪清蜀道把酒盛
嘉賓猥以下僚別驚傳詩句新從今得拱壁歸
話五湖濱

附荔裳宋公贈言

共濟須邛友嗟君已掛冠吏情三峽險身世
五湖寬藥物添裝重江山倚柁看峨眉新月
好相憶勸加餐

客嘉州買舟不得悶甚漫題時立冬前
一日

當暑投簪去驚秋此夕終為時真冉冉話別未
匆匆欲擊手中流楫因之吾道東江邊有佳信明
日好西風

立冬日有感

我眉別兩月山上幾回寒未覺薰風遠而傳霜
雪漫我行頗悵望此去恐難看寂寞翠微路塌
然摧肺肝

久客嘉州謝州守

自憐衰老一投簪江國棲遲費越吟已有官廚
分飽食復開花榭任登臨微名自愧當時祿異
數難忘此夕心便擬輕舟賦歸去青山綠水憶
清音

瀘江道中遇熊郡伯賦贈時熊君懸弧

之辰

十載東川太守賢行行五馬駐江邊清風奏最
成高第冬日生溫結大年沸看笙歌臨野墅爭
誇賓從繞樓船枯株尚欲蒸芝菌倚柁微吟寄
短篇

咏峩眉山

為愛名山一折腰烟霞物外自相招時從卧閣
看雲起不盡層厓護雪消青滿鴻濛天迸色銀
鋪世界海生潮乞來勾漏尋常事何日移家向

碧霄

送大邑李赴泗州

與君相遇即相親，並轡街頭日幾巡。
誰道七年辛苦吏，安排竹馬又河濱。
飄飄姑射下江關，指點長淮極望間。
鳧影遠隨帆影去，謳聲猶在鶴鳴山。

嘉州登舟贈別彭生信之

已向江湖作散人，憐君相送益相親。
蜀山莫道青天上，明月同看只一輪。

挽蔣綏庵四首

天不遺留一老人，飛霜驚踏夜臺春。
從今寂莫歸山屐，剩有藏書泣獲麟。

五嶽名山着處留，此身了視一蜉蝣。
玉堂不省君家有，乞得芒屨萬里遊。

廿年勝事話前期，月滿空山鐘動時。
誰道此行成永訣，夢中無路更何之。

踈雲淡月樹毵毵，留得清魂與石潭。
他日蘿峰訪遺跡，應知古佛是同龕。

蜀中草

海昌朱昇方庵

序

蔣虎臣先生與善約言序

余得侍虎臣蔣先生在辛卯秋先生奉命試浙
浙風靡靡一變至今相傳以為歐陽復出云余
是時謁先生相見甚謹而先生之大人楚珍先
生前為台理台士之造就與分較所得士皆極
一時之選浙士之先後教育於先生父子之門

者可為盛矣而余以愚鄙不見棄于先生先生
曰家大人嘗稱子之文章不苟為流俗者僕之
知子家大人燕居之言也余聞之泣然出涕士
誦于不知已而伸于知已天下之虛聲相慕悅
日奔走公卿先達之門而不得一見顏色即公
卿先達因其恭謹無比樂為游揚以成名固有
其人然如昌黎所云感恩則有之知已則未也
憶壬午歲余甫登賢書即罹先人之變是時藐
孤在衰絰之中而楚珍先生以部民子從天台

千里走使致唁賜書惋惜慰勞殷殷然若誨門
下士者夫為人子不能自奮發榮顯其父母幾
不得比于人而有一尊者賢者光錫其親不為
當世所棄死可不恨此事三十年以來未嘗一
日不感歎於中也浙士出于先生之大人與先
生之門先後濟濟而余以一人獨受知於先生
之父子則一時所未有也楚珍先生惠懷其民
俎豆不絕所著四書五經舌存圭約諸書垂訓
後學先生復為闡揚其教與善約言其誨人一

書也先生力行善而欲與天下之貴顯有力以
至齊民窮疾閭閻商販胥隸廣及緇羽皆力行
善其志勤矣大矣余固受知于先生父子者荏
苒三十載今已垂老名業不建困頓泥塗束縛
塵事先生忍不一挈之瓢笠芒屨之側以得行
其所為善乎因備述其前後知受年月以貽之
欲先生之一動念于余也

王鄭合詠序

山川能重人乎人重山川爾古之名人傑士生

于通都大邑人物富盛之鄉不足以發其曠遠
磊異之思則或重趼褰裳窮幽探渺至有伐木
疏道窮數百里以求竒怪恣登陟暢心胸如謝
公之在永嘉者蓋山川者人士之良友而文章
之橐篋也乃有歷洪濛之險駭耳目之遇而不
能出其片言以發舒酬答其竒而同于樵牧輿
販之所過者比比也嗚呼豈不以其人哉蜀道
天下之稱最竒險處也數千年來文人墨士奔
走往來者不知凡幾而矔耀人耳目自太白子

蜀中草
三
美以後未見有殊尤卓絕者然則山川之與人
相遇與人之不負山川固不數數見歟王公貽
上鄭公靜庵以王命來蜀二公負天下才所至
吟咏輒播滿人口今聯轡後先積旬浹月唱和
于旗亭山店之中正山川與人相遇之日茲可
喜也而二公益自矜異或瀟洒以呈爽或巒岈
以鬪竒工若相拒巧若相襲余讀之若蠶叢五
丁雜然奔命於篇幅毫素之間以佐其靈異不
覺喟然曰二公真不負此行矣余去歲亦陟棧

閣歷折坂僕夫况瘁驅車太息所過嶮怪輒驚
悸不能成吟吟亦不工昔太白作蜀道難膾炙
千古子美發秦州至蜀成都所至有作數千里
山川如在目中太白無論子美生逢離亂挈家
遠去崎嶇岩谷之中憂勞困苦發為歌詩其窮
而後工固宜今二公當盛時奉命壯遊而能出
其馳驅之暇寄之翰墨以與山川爭竒視子美
遭逢之幸不幸何如也至余之鄙陋不能為山
川生色去二公抑遠矣何足道哉因慨而為之

序

同年王伯貞尊公文集序

予少不慧家大人日訓督之至畧知文義輒益教以聖賢之理行文次第之法鑿鑿有規矩可循几案床闥之前雖盛夏沍寒呼小子而命之弗輒也稍長獲交於四方君子謬為稱引里中人多嘖嘖曰此子固有家學者素聞其過庭之訓徹戶外顧予不慧不能仰承大人之訓行不加修文不加進碌碌庸下為可歎也今年秋得

與秦中王子伯貞交縞帶之暇間出其所著以示予清泓醇厚動有法度歎為絕倫隨復出一編曰此予大人所作以訓予者也子曷序之以問世予受而讀之則邃於程朱之理窮微析要則伯貞清泓之所出也粹於韓歐之氣頓挫沈着則伯貞醇厚之所出也準於瞿唐之格律引繩切墨則伯貞法度之所出也世人讀伯貞之文而不讀其尊先生之文豈知其淵源之有自哉固之文出于彪軾之文出于洵明道伊川出

於大中先考亭出于韋齋大令之書出于逸少
天下之學問文章未有無所本而能者也今伯
貞篤守其訓又出其尊先生之文蓋將以訓已
者訓世可謂能光大其學而予則弁鄙濩落不
能仰承大人之訓以發揮其所傳其不及伯貞
遠矣抑更有感者予小子少無成立見背大人
雖得沾并斗無所用之而伯貞則膺王命之榮
有君子之樂歸而修甘旨極斑綵之歡而予乃
退不得比于人尚敢與伯貞齒哉此予因伯貞

之交讀先生之文不禁感動于中而不能已也

同鄉許傅岩先生詩稿序

詩三百篇皆諫書也其言切而婉其義微而彰
其連類稱引反覆而不肆故古之賢人志士思
君愛國之誠一寓之咏歌而大臣昭德塞違匡
時正俗之事亦往往于詩形之如公劉七月之
篇與無逸之書並傳然則世有剛方偉特為朝
野繫重之人而曰不以詩顯無有哉傅岩許公
以名諫著天下知與不知無不曰傅岩先生當

今之汲長孺魏立成也觀其前後上書言事蹇
蹇諤諤摩出世務引繩批根不避危害顧豈沾
沾弄柔翰諧聲韻之為者乃公于暇日益發揮
其所得于詩春容乎大篇蘊藏乎短幅酬和答
贈之章感時賦物之什靡不盡致極妍窮神躡
輿何公之丰采嚴毅可畏憚而其詩文溫柔
厚足慕悅也余知之矣夫詩心聲也人處窮約
之時多怫鬱而不展當衰寒之遇或感憤而不
平如子美愁于詩者也太白放于詩者也襄陽

窮于詩者也其言雖工于一時而被之管絃奏
之清廟明堂之上則如千石之鐘以筵發聲矣
傅岩以子美太白襄陽之才逢興朝昌隆之日
身為諫官言聽議從寧有怫鬱感憤之芥蒂其
胸以吐為不平之鳴者乎宜其詩之敦厚和平
渢渢乎三百之遺也今傅巖行登三事九列與
聖天子論道彤陛之上則卷阿飄風之什又當
繼此有作然則余之讀傅岩之詩為傅岩之諫
書者猶之乎管蠡之窺測矣

盧弘中醫學入門疏註序

清江盧君弘中以醫學客蜀之嘉州三十年蜀之遠近為其全活者不可計算凡疑難可駭之病應手即效一時公卿士大夫下至屠販無不翕然稱道盧君以為秦越人倉公復出云余遊峨眉聞其名慕之與之言醫竟日夜不倦其溯源探本如從崑崙星宿下至龍門碣石放而至于江淮百川滙歸而入溟渤也其窮變極奧如登九疑探禹穴武夷赤城五岳烟霞之勝盡入

其杖履也其條分縷析如數指上之螺清疏而明辨也心竊疑此必有異不遇異人必遇異書盧君曰非有異也人顧不察耳上古之世以黃炎為之君以岐伯為之臣皆神人也其所言數千萬年具在尚何求異聖人治天下創為禮樂制度如井田封建行之未千年而不能保其不變其不變者惟神農嘗藥之書與岐黃論次答問之言世世奉之耳暴秦敢于燔六經而不敢燔醫藥方書此固水火所不能劫聖民立命之

事也後之人能即其書而通曉之斯已難矣通
曉其書而能闡揚其道益又難矣闡揚其道復
筆之于書而又欲以其書發明而貫通之此豈
易哉南豐李先生挺著醫學入門一書余手輯
其微言妙義凡風雨晦明車馬道途寢食憂樂
其中蓋三十年于茲矣因不揣愚昧竊為增補
是亦先生之志也學先生之學發先生所未發
槩括所註先生之言使天下之學者有所適從
是則某之志也安敢有異顧人自不察耳余聞

其語慨然曰盧君之得名有以哉夫醫如治室
然室中有堂有闥與不得其門不得入李先生
教天下醫者以入門而盧君已登其堂踐其闥
陟其奧其為南豐李氏之功臣不既多乎余今
且倦遊歸矣盧君亦言明年當返故里幸持此
一編公之通都大邑而余亦以韓康之業溷迹
闕肆與君從事于刀圭之間樂見君濟厄扶危
之事其以此言為息壤可乎

盧弘中家譜序

易曰先王以類族辨物族之分以類類之別成族其大義主于相親而必歸之以辨不辨則勢必至于紊亂澆漓而失其所親譜之設以親親也親生于辨支分派析為人後者不敢紊不敢背因不敢忘所以爲教也世之季而宗法亡宗法亡而譜道不明一父之子數傳之後眎同路人至有爾汝而誅詬者嗟乎先王之道欲使天下異姓百族之子皆相親相愛下至昆虫鳥獸各得安其儔匹而顧一本之不問可謂有仁風

乎夫酌流而壅其源則涸而已矣慕華茂而賊其枝則萎而已矣仁人君子宜何所用心昔張橫渠先生曰管攝天下人心厚風俗使人不忘本須是明譜系世族與宗子法先儒之言世多忽之忽之久而蠻髦之風去不遠矣孔子生於周曰吾殷人也魯公五世皆反葬於岐周不忘本也自天子以至庶人自聖賢以至愚不肖無非是者當吾世而有能留心譜系修舉闕失者是則仁人君子之用心也盧受姓自黃炎至唐

蜀中草
十
為貴族支葉繁盛代多傳人清江南溪其最著
者也盧君宏中以岐黃之學寓蜀三十餘年經
其全活者無數圭七之暇出其所輯家譜一帙
以相示余歎曰君真仁人矣以仁術活人者必
有仁人之用心觀其奔走四方出入離亂之中
年已垂老而拳拳于世德箕裘之唯恐失墜公
殆將歸矣其持此以敦睦其族人并以風厲天
下其事豈淺鮮哉因樂為之序

熊拙溪詩稿序

天下勲業之事與文章之選二者分途不相為
用而名公偉人亦嘗寄情歌咏流連景物以寫
其高邁遺俗之致蓋能有兼長道無偏棄也拙
溪熊公以曠世宏才出守于夔吏畏民懷九載
于茲乃白帝之烟霞巫峰之窈渺皆在公之境
內登陟之暇一寓之于詩其以吏事嘗謁公于
成都得讀公之篇什雋逸雄快竊心醉之成都
西郊少陵之草堂遺址在焉公以暇日遊屐時
從又嘗隨制憲蔡公登峩眉其復得侍公于烟

雲絕獻之間而公所歷必有作吟詠益富天蓋以全蜀之山水壯公之筆端而不止一瞿唐灩澦之奇矣夫公之治績在蜀最久如漢之潁川渤海故事奏最第一天子方以三公秩寵異之豈沾沾弄柔翰工比興為能事而公之寄託不少衰豈非所云能有兼長道無偏棄者乎抑有感焉昔少陵客夔以中丞栢貞節為地主依之貞節無詩名使少陵寂寥寄處於西漢東屯之間不久而去使當時有如公者主其地酬倡所

及其盛事豈出嚴鄭公下哉古無其主今少其客因公之地讀公之詩不禁三歎云

程子及詩稿序

士之遇不遇豈不以其時哉間世之才乘時拔起談笑取高第翱翔公卿舉世嘖嘖稱羨驚若神人而山岩草澤之間負才抱異駘蕩無所適不求人知人覲面亦罕物色者嗟乎得時則駕不得時蓬蓰而行固無足怪余嘗讀書觀古于轍軻不偶之事未嘗不三歎也今年秋識程君

子及于我眉山中風儀雋爽顧瞻豁如心竊異
之聽其言洒洒清遠翛然塵外益不能測其為
人華陽蔣先生曰此吾師九屏先生令子也九
屏先生遘四方多事不竟其用崎嶇避走山澤
間齋志而殞其時子及纔數齡未入童塾流離
播遷稍長往來燕趙吳越之間不得志益放情
山水聞我眉竒異徒步數千里至此與余會聞
之喟然夫程君豈山中之人哉生長貴盛習見
紛華一旦門戶零落溷跡單寒不見圭角而眉

宇間嘗英英發露若鹽車之騾裹樊籠之鸞鶴
雖頓挫之而雷掣千里摩霄萬仞之勢自在宜
余之傾蓋而不能即定也先生曰子言洵然子
及今困甚天能困其遇不能困其才因出其所
作詩以見示夫詩言情見志之物也遭逢貴顯
多吐春容和暢之辭淪落窮途必發激烈淒涼
之句以程君所遇當必有如屈大夫之哀楚郊
島之寒瘦見于吟詠而其為詩乃清適華秀絕
不以際會感憤自挫棄此其志念遠矣天何能

困人人自困爾讀其詩以卜其所遇程君豈山
中之人哉而余以時之遇不遇論天下士直淺
之乎窺程君矣先生聞余言相顧而笑因書而
為之序

男 洪先 謹編

昌辰

孫昌言 謹校

景辰

先儒獻靖公帝齋集十二卷暨先逢年公玉瀾
集一卷一刻于淳熙辛丑再刻于至元丁丑三
刻于弘治癸亥板藏闕里先祠歲久漫滅于世
罕行而世亦罕有購得者康熙庚寅正月昌辰
求得舊本急訂魯魚付之剞劂而記年月于後
二十世孫昌辰謹記



